

國家圖書館藏

中華歷史人物別傳集

綫裝書局

文文山 傳信錄

茶陵譚澤聞題



吳興許氏
杏蔭堂刊

序

許子穀人爲吾友杏泉先生哲嗣與予有鄉世誼曾郵示厥
撰文文山及鄭延平兩年譜予知其少年力學殫發幽潛淬
厲忠義心儀其人而未謀一面辛未十月穀人又撰文文山
傳信錄問序于予予受而讀之益知表彰忠烈之志與夫搜
剔遺佚之勤歷久不懈有如是者予嘗披覽文丞相全集其
對策洋洋數千言即主法天不患有大臣格君氣度考官王
應麟稱古誼若龜鑑忠肝如鐵石蓋當進身之始其浩然之
氣已磅礴鬱積不可遏制故臨終自書其志曰孔曰成仁孟
曰取義惟其義盡所以仁至良由學宗孔孟又能心體力行
所謂百世而下頑廉懦立此其選矣乃元代史官因當時忌
文文山傳信錄

序

一杏蔭堂

諱事蹟多所刪削又誣以自奉甚厚聲伎滿前更因王績翁
之言牽引傳會致有黃冠歸故鄉方外備顧問諸語簡畧失
實識者病之而稗乘野史復雜荒誕異論嗚呼何書之不足
盡信也今穀人秉無徵不信之義廣爲搜討精于抉擇雪纂
風鈔歷數寒暑成傳信錄十二卷其最扼要者書中不羈入
小說家言而專采藝文詩文碑記得自總別集郡邑志居多
且均藏家善本更有海內不經見者可謂知所本矣嘗論有
宋末造受敵國外患最深朝野人士起而禦侮亦最厥至孤
忠亮節歷百折而回者惟文山一人故其文章節義可傳
于後世而深入于人心雖以凌跨歐亞之胡元未及百年亦
卽崩潰要由尊攘大義文山樹其基耳此可見我先民蘊蓄

之精神自有不可磨滅者在而亦穀人所以纂錄之微旨也夫昔予序宋岳鄂王年譜及文集爲錢君彤軒所編彤軒亦鄉之人予曾釐訂其遺稿爲之刊行今序穀人是編而連類及之嘉其表彰忠烈有同鄉同志之美而皆屬予序之是一佳話也周慶雲序于海上晨風廬

序

自古鼎革之際必有忠臣烈士殺身以成仁舍生以取義所以存人道于幾希立綱常于萬世而志節純固就死從容則無過于宋之文信國公也吳興許君穀人輯文文山傳信錄十二卷寄余屬序意必耆儒退士感世變而爲之者徐乃知爲青年學子從未歷乎仕途讀書感慕忠義景仰信國積六年艱苦風鈔雪纂以成此著余喜少年景仰信國益信忠義之根乎天性人紀之不可磨滅也輒爲序以行世其駁斥宋史謂公自奉甚厚聲伎滿前爲不實引公手著紀年錄稱山水之外別無嗜好衣服飲食但取粗適不求鮮美以正之昔陳壽三國志諸葛武侯傳謂侯寫申韓書以授後主張南軒

先生謂讀出師表純乎王道決不至以申韓之學教人改正侯傳而刪之朱子嘗與復往討論而稱善今許君之以辨正宋史傳與南軒之以辨正三國志同一用心也其祀典篇引仙巖文信公祠錄係明嘉靖時刊流傳甚夥或是海內之僅存者台州府志經籍考云天一閣舊藏下卷已缺疑卽此本仙巖今屬臨海縣地與余世居寧海縣之海游鄉相距六七十里耳昔年歸里擬往謁公祠而道梗竟不得達君所得之嘉靖祠錄亦莫能致所見祠志簡畧實始于乾隆初年祠宇傾敝道人募款無力助修僅得劉翰怡京卿捐輸百金而去竊歎信國至仙巖三宿尙隱姓名而張蘇孫諸人從而勒王以今視昔能無愧乎所尤痛恥者生丁大亂苟活草間荒江

待罪老病日深辛壬之間倭奴既侵吾東三省坐見暴寇劫
吾遜帝以至長春霸力而奉之天道人事難以盡言因讀傳
信錄感念身世痛痛心而莫能自己也壬申正月七十二叟
章侵時寓北京

序

譚氏爲嘉興方雅之族志賢姻丈晉道德能文章曾輯梓譚
氏家譜十卷並搜集其明清之際先世遺著如譚子雕蟲惡
山大師自序年譜實錄述疏埽庵集埽庵詩存延綬鎮志和
鴛鴦湖櫂歌詩歷代武舉考肅松錄康熙弋陽縣志續刑法
叙畧碧漪集爲譚氏遺書表襮清芬不遺餘力因歎禾中
世澤之長鮮有若譚氏者也流風餘韻乃及其甥許穀人君
亦勤于輯述之前來北平時文嘗謂之曰先著之見于著
錄者此不過十之一二冀續有所得蔚爲大觀且欲以他日
校訂事託付之今年夏丈介許君所輯文文山傳信錄十二
卷問序于余余讀竟則爲愀然思喟然歎曰嗟乎國家之存
亡種族之強弱文治武事顧可偏廢哉元代兵力橫絕歐亞
可謂盛極一時吾人固不必以厓山柴市之恥自慙顧趙宋
初興燕雲十六州卽未規復而自徽欽以及南渡積弱益甚
馬可波羅遊記所稱宋帝好書畫而元主習騎射喜戰爭成
敗之數其繫于此乎夫吾民族之受制于夷狄也自古已然
久而愈烈若匈奴之于漢五胡之于晉突厥契丹之于唐遼
金元之于宋清之于明或以內亂頻仍或以政綱廢壞軍備
不修遂被侵凌甚至竟遭屈伏然尙自謂武力雖不如人而
我祖宗遺留之文教固非彼淺化之民所能及用是猶取以
自解曰吾民族同化之力足使彼頑強之敵遇之而靡蓋吾
爲世界極和平之民族戰鬪者不過取勝于一時而和平所

以維持夫永久者也嗟乎爲此語者將以自慰直以自欺將
 以自誇直以自暴其短而已以吾觀之文化之說厥別有二
 一曰物質一曰精神自海通以來其在物質外人之視我已
 不啻我之視苗與黎科學幼稚之吾民直如愚騷之小童與
 聰強之壯夫比耳又安能以自豪其在精神則以受物質之
 壓迫不適于社會習尙將受自然之淘汰其昔所賴以團結
 同族之具無古今皆適宜者今人又不之辨而棄之況今新
 進之列邦其精神固有駕我之上者然則我又焉恃而能自
 存于今之世耶夫今所謂衛國保種者誠不能輕視物質而
 設使並此團結同族之精神人人蔑棄之則皮之不存毛將
 安傳雖有物質其將安用而況所謂物質者亦正賴此不屈

文文山傳像序

二杏蔭堂

不撓之精神乃能取得之者哉今外患亟矣許君之崇拜文
 山而爲此篇亦未始非激厲民族精神之一助也爰書所感
 以歸之

中華民國二十一年七月吳興沈尹默

宋文文山先生遺象 伊五題



宋文文山先生遺象

通州張謇

宋文文山公真象

道光乙巳莫山胡駿聲敬臨



宋文文山
先生遺像

程頌萬敬題



宋文文山
先生遺像

丙寅七月

安善吳昌碩拜題



才光絕精奇淫淫林境萬國憶乾坤大厲
不歸民不呻至相生獨聲緒浩教正氣
誓帝制取聲此觀地軸宋學伸並暨南祠
世不百年支靈扶搖振綱在人語劉子墨渝
厚紙紙重有千指毛羽氣日輪載悲視
見者英靈肅心被粘木寒歲後生紫氣
重史氏山多緩親見刻雲山後佛面奉以
涉江留湘游乾坤之變今再愛其得少應
悲現鳴嘆心平同然少得先夫花鬢初登
曰多秀思齊賢

宣統庚申端午日後孝沈名播教題

地軸上既亡者使存絕若緒之矣

興亡細事耳人氣延天命吾鄉有文謝
萬靡挽使正謝像藏退廬謂胡侍御忠疏疎瞻綴微
詠二妙開圖幅奇表嵩華映堦上府理
札出委痛執政作事隨天去一語公自
評錯落數百字肝胆寫豪橫我欲飲其
氣吐以斫梟獍壓寐魔重造劫萌非
聖狼籍蹄迹同孤攀血淚迸

鄉後學義甯陳三立謹題

百折身不死誠懇一死非顛沛
度海日豈不哀或激國破尚有
君臣存志敢推吁嗟天命傾
義勝卒莫回衣冠就檻平顏
色何雀魏求仁在夙昔三歲
無徘徊慄衣帶絳庶幾聖
賢歸

曾熙敬題



勤王捧誼義難修信
有丹心照汗青用公過零丁洋詩句
卷不禁三掩泣江西我亦
舊提刑

長沙後學余肇康敬題

文丞相



宋文丞相名天祥字宋瑞吉水人進士對策第一江上報急詔
天下勤王公盡以家資為軍費妻子女皆被執如金百鍊
而益勁如水萬折而必東宋亡居燕卒足不下樓會中山狂人
兵起請死從之衣帶中有贊本云而今而後庶幾無愧耳真無愧也



司象見金南陵先生
象後司日星河嶺頭
圖中畫日星方圖中
嶺而所題詩中司云日
嶺正氣事難支觀不難
大可兒爾相止志矣爾
廷對弟一出擢疆寄隸
詩數百折不回其賦其

七留天所司試
宋屬于金南宋
家慶其艱苦甚
乃曰南朝惟李
餘宋臣止事敵
南宋諸臣留瘡
終已策召燕爵
不如王炎中張
譜乃可為爾相
知

李養士止食
里鄉同穀乃
文山傳信錄
贈止並跋其
與鐫爾幹



文信公

公臨刑後其妻歐陽氏收其尸面色如生檢衣帶中有贊
云孔曰成仁孟子取義惟其義盡所以仁至讀聖賢書所
學何事而今而後庶幾無愧



司豕見曉笑堂竹莊先生畫傳
居燕二堂先生猶釋止會中山程
乃起而云取文而相疑止而主猶
不為時司而贊者從止而司詔
勿辭則止而索於呼而相益顯不
刑哉而主益真然猶而相哉衣帶
一贊而相止而索於呼而相哉衣帶
國也其片宋非依宋也徒司司宋

在而不然統一耳而相不仕而
刑而而而而而而而而而而而
于而而而而而而而而而而而
丁而而而而而而而而而而而
鼎而而而而而而而而而而而
司而而而而而而而而而而而
同而而而而而而而而而而而
啾而而而而而而而而而而而
其禍什百而而而而而而而而

上靈所悲憤而不平而而而而
盜竊國民怨而而而而而而而
印而而而而而而而而而而而
子而而而而而而而而而而而
講而而而而而而而而而而而
余而而而而而而而而而而而
傳而而而而而而而而而而而
藉而而而而而而而而而而而




書玉帶生揭本後

玉帶生宋文信國公文山先生硯名也公既死國硯初歸謝
 阜羽所有在元時爲楊鐵厓七客寮中之物後來數經易主
 湮沒不彰者將三百年迄于清代不知何時流入宮廷有乾
 隆甲午御製歌一篇鐫于匣面先是朱竹垞嘗稱歲甲申觀
 于南邱宋節使座上又稱遇于滄浪亭據此則斯硯之進呈
 大內當在康熙四十三年之後也追想有清盛時以至尊之
 勢力窮奢極欲無有不能珠玉錦繡無論矣其在古人之遺
 物或手澤所留或精神所寄凡價值連城舉世罕匹者靡不
 羅致之蓋清帝習染晉漢化嗜文學甚深題詩勒銘視爲常
 事觀石渠寶笈祕殿珠林天祿琳瑯諸書可知也今清社既
 屋二十餘年昔日之禁城已改作故宮博物院希世寶物遂
 非一姓私有人人得以鑑賞玉帶生赫然錯落于唐鏡宋琴
 之間亟命工搨之以公于世予方幸獲睹奇蹟然不能無感
 焉竊歎今日倭虜猖獗國勢日蹙寇氛所及文物隨付劫灰
 吾人雖徒言保存國粹而尙不知團結吾民族精神以禦外
 夷之侵略安非所謂舍本求末悲夫

文文山傳信錄 書玉帶生後

一杏蔭堂

玉帶生



玉帶生



玉帶生歌
 玉帶生人史事文丞相爲文事
 神品
 玉帶生人史事文丞相爲文事
 神品
 玉帶生人史事文丞相爲文事
 神品



謁文山先生祠記

中華民國二十一年六月二十二日浩基敬謁文山先生祠于府學胡同其地爲元之柴市卽先生成仁處也明洪武九年北平按察司副使劉松建永樂六年太常博士劉履節奉命正祀典始有春秋之祭于有司歲以順天府尹行事宣德四年府尹李庸重修大學士楊士奇有記見東里文集景泰間賜諡忠烈遺像改塑丞相衣冠祠之沿革大概可見于載籍者如此而已自是以降三四百年間修葺之舉寂焉無聞遍閱帝京景物畧春明夢餘錄曰下舊聞諸書亦莫能考清道光七年先生後裔名柱者重新之平湖宋爲弼記南昌彭錫疇書勒文于石至今尙存初進爲大門額有文丞相祠四

文文山傳信錄

謁祠記

一杏蔭堂

字次爲二門庭中有先生手植榆甚蒼古高約二丈欹斜如卧龍再進爲享堂每進皆三楹屋宇傾圯丹雘剝蝕不勝麥秀黍離之感堂前扁曰萬古綱常康熙癸未中秋順天府尹錢晉錫立神龕之上扁曰古誼忠肝府尹吉夢熊立不書年月楹聯曰南宋狀元宰相西江孝子忠臣十八世孫柱書座右石刻遺像並衣帶贊語係明代故物其容貌服飾正與嘉靖刊本全集中像相同又有唐雲麾將軍李秀殘碑磬于東壁附題跋甚多歷代書畫記金石志均已著錄西壁嵌石刻詩曰十年燕市過公祠瓦屋松蔭去馬遲九死欲回唐宇宙一生輕繫漢威儀雲飛斜照歸人晚霜重無枝棲鳥疑千古中原今故在忠臣遺恨可曾知嘉靖甲寅春望南京戶部主

事嵩山李世德題月篋吳斯書燕山張鸞鑄瞻視既畢悚然盡然有不能言其所以然者景仰之至發而爲文又情所不能自己也浩基夙聞庭訓漸知嚮慕曩歲不揣固陋既有年譜之輯徐念先生偉烈著于生前英聲顯于死後論贊歌頌之章竹帛縹緗不可勝載第不蒐錄而表彰之無以繼往開來傳信錄一書所以作也今值剝剝垂竣適來拜謁祠下謹記所見以附于卷中筆墨有緣抑非先生忠義之氣自有足以感人者歟詩曰高山仰止景行行止雖不能至竊心嚮往之蓋擬以爲比云許浩基謹書

文文山傳信錄

謁祠記

一杏蔭堂

凡例

一是書爲景仰古人而作彙萃羣書凡涉于公之詩文題詠分別甄錄依類臚列蓋仿陶宗儀草莽私乘程敏政宋邁民錄丁元吉蹈海錄之意惟舊例所輯各條不注出處使讀者無從稽考爲憾是書特于每題之下標明原書名藉資考證非敢掠美

一 張鵬翮忠武志王禹書關聖陵廟紀略馮培岳廟志略等書皆載祠墓圖說後附藝文且分論贊序記長歌絕句諸體此據志例也是書所錄以藝文爲主別具綱領故與他書稍異

一 宋史爲元人所作難免誣謗公本傳有自奉甚厚聲伎滿

文文山傳信錄

凡例

一 杏蔭堂

前一節失之穿鑿後人每多誤會遂形諸文字識者病之考公手著紀年錄云山水之外別無嗜好衣服飲食但取粗適不求鮮美等語至爲確實可徵其謬不攻而自破是書所錄往往有襲宋史之誤者茲不復辨正

一 祀典門有數篇采自嘉靖刊仙巖文信公祠錄傳本極稀甚爲珍秘而祭品每項下注明銀錢價值并可考見當時之經濟狀況匪獨僅存文獻而已

一 厓山集與萬曆厓山志不同有吳城跋云是向天一閣借鈔書根題刻于弘治年間亦不知其撰人也亦掇拾宋末事蹟彙爲一篇所載錢習禮韓陽李奎等文山集序每加芟截殊屬失當是書力矯此弊寧付闕略

一 公之著述已見文山集故不再取以免複出

一是書抉擇從嚴所引力求善本文瀾閣四庫全書之外復訪求各家詩文集及書畫錄郡邑志甚多萬卷琳瑯信手翻閱惟碑史說部之類不足徵信者概不闡入

一是書剞稿于丁卯迄壬申始告竣前後將屆六載其間奔走鈔寫頗費精力近出江浙遠至薊燕况復人事紛繁或鈔或輟幾欲廢棄而卒克底成功詎非幸歟竊念古今書籍浩如煙海謾陋如予囿于見聞挂漏之譏自知不免若博采廣搜尙望當世之秉筆君子

壬申三月許浩基謹識

文文山傳信錄

凡例

一 杏蔭堂

文文山傳信錄目錄

卷一

諸詔

卷二

史傳論贊

卷三

畫像

卷四

祀典

卷五

祠堂上

文文山傳信錄

目錄

卷六

祠堂下

卷七

遺集

卷八

遺墨

卷九

遺物

卷十

挽章雜詠

卷十一

雜著

卷十二

西臺事輯

文文山傳信錄

目錄

一杏蔭堂

文文山傳信錄卷一

吳興許浩基穀人編輯

誥詔

文天祥除正字誥 後村集

劉克莊

掄魁登瀛故事也然始進大率以虛名既久乃知其實踐爾則異于是初以遠士奉董生之對繼以卑官上梅福之書天下誦其言高其風知爾素志不在溫飽麟臺之召何來之遲語有云居大名難又云保晚節難爾其厚養而審發之使與論翦然曰朕所親擢敢言之士可

文天祥除校書郎誥 後村集

劉克莊

新進士唱第前舉首必召故事也爾以陟岵之故稽登瀛之

文文山傳信錄 卷一 誥詔

一杏蔭堂

擢一旦來歸如麟獲奏時鳳集阿閣甫繙黃本俄映青藜在他人爲速在爾爲晚矣昔人云不可及者年也不磨者名也至哉天下樂者書也朕將老汝之才而極其用焉可

文天祥除尙書禮部員外郎誥 碧梧玩芳集

馬廷鸞

吾甚遴郎選尤重儒科尙以掄魁爲表耶其庶幾乎爾藻思清新詞華敏茂榮進素定匪徒詭于高名慷慨取言蓋已觀其初節擢從都最登之郎闈夫立乎人之本朝而培養器業以答揚光寵者必有在矣豈直百官掌綸言十年至兩制之謂乎大車以載務積厥中朱紱方來以艾爾後可

文天祥特授集英殿修撰樞密都承旨依舊江西安撫

副使誥 四明文獻集

王應麟

勅具官某多難維其棘矣有嘉衛上之忠來朝又何予之載錫在師之龍脂車趣駕進律敷恩爾才裕經綸器兼文武以阜伊冠倫之望有管樂濟時之猷糾合義師欲以身任國家感憤外患不以賊遺君父憂分閭閻重□□預前籌之畫□朕方旰食而慮爾盍夜衣而行知當纓冠投袂之時正如奉饗沃釜之急用濟華于書殿俾眠渥于從塗修戈矛與同仇亟其人親運帷幄而決勝尙賴協謀可

文天祥依前權工部尙書都督府參贊軍事江西安撫使特受浙西江東制置使兼知平江府誥 四明文獻集

王應麟

文文山傳信錄 卷一 誥詔

一杏蔭堂

勅謀元帥將中軍簡在說禮崇詩之彥分六卿倡九牧時維制治保邦之規朕疚懷艱危注意英雋有嘉衛社之志誕畀制閫之權具官某碩大而光明宏深而肅括文武兼備有經營四方之才忠義自將有獎率三軍之略惟願望冠龍甲之選蓋皇祖爲燕翼之詒討亂略以儆師人百其勇追殊遇而欲報朕知乃心資胸中用兵之奇付闔外弓鉞之任若高皇命重臣宅牧合江浙以專征若孝廟詔常伯奪情念邊疆之孔棘總中權于方面殿巨屏于吳門內以護日畿之本根外以復天塹之險阻規模有素勳業可期噫元戎十乘先行其武服而國定師中三錫承寵以眾正而民從事成攘狄之功不聞用儒之效可

賜文天祥辭免依舊權工部尚書都督府參贊軍事江
西安撫使除浙西江東制置使知平江不允詔 四明文
獻集 王應麟

勅天祥省所奏具悉朕未堪多難疆圉孔棘御事固不曰艱
大天忘我成功所惟時魁儒秉忠倡義獎率三軍入衛社稷
國勢爲之增重人心恃以爲安精神折衝文武是憲若稽高
廟命臣頤浩開制閫于江浙宏濟中興之業者定救功卿器
度才猷克邁前哲惟長江之險要未復畿甸之備守當嚴命
卿以大常伯兼領二使表裏撐拓以固吾圉東西運掉以靖
虜氛儒帥一臨士氣百倍用保乂我文祖受命民茲惟豐芑
詒謀之意亟其禡牙紆朕宵旰之憂所辭宜不允

文文山傳信錄 卷一 詰詔 三杏 蔭堂

文天祥特授端明殿學士詔 四明文獻集 王應麟

勅元戎十乘先行式倚眞儒之望師中三命承寵適隆方面
之權朕若稽先朝之舊章最重文明之選職內以待畿廷之
彥外亦褒帥閫之賢王素之牧平涼程戡之涖益部皆膺茲
選今得其人某官實學濟時英猷緯國文有武備義概質于
神明儒知軍情忠忱貫乎霜日傳檄召兵而志士奮纓冠赴
敵而國勢張不圖素定之營允謂算二之略予欲復江表之
疆宇命爾援除予欲壯浙右之翰藩咨爾修捍威稜鋒前茅
之令醜虜憚破竹之危惟任之專者位必崇惟名之重者功
必集乃躋班規殿之峻以增華制閫之嚴噫邦咸喜戎有良
翰茂對陟明之渥身雖外心在王室趣成敵愾之勳可

賜文天祥詔 四明文獻集

王應麟

卿倡義旅以衛王室秉忠忱以濟時艱爰咨常伯之英趣膺
制閫之寄將士用命遂汎掃于虜氛精神折衝益振揚于勝
氣孔嘉體國之志亟奏攘夷之勳元戎先行周邦咸喜載加
錫賚式示眷懷

授文天祥通議大夫右丞相樞密使都督諸路軍馬詔
匡山志 陸秀夫

帝王之立中國惟脩政所以攘夷輔相之重朝廷惟用儒所
以無敵朕作其卽位圖厥效功介臣不二心歷險夷而一致
咨汝宅百揆賴文武之全才亟歸右揆之班并授元戎之柄
肆敷大號專告羣工具官某骨鯁魁落之英股肱忠力之佐
文文山傳信錄 卷一 詰詔 四杏 蔭堂

仁不憂勇不懼坎維心之亨國忘家公忘私蹇匪躬之故適
裔虜之猾夏率義旅以勤王慷慨施給鎧之資豪傑雷動感
激灑登舟之淚忠赤天知雖成敗利鈍逆覩之未能然險阻
艱難備嘗之已熟獨簡慈元之愛爰升次輔之聯方畢騎以
行驚破夷虜之膽及免胄而入大慰國人之心天地之所扶
持鬼神亦爲感泣今職方雖非周邦之舊而關輔未忘漢室
之思伊欲闢輦轂而追三宮復鐘簴而安九廟非內治飾何
以實元氣非國威振何以折退衝披荆棘于靈武之初予未
知濟收桑榆于渾池之後事尙可爲思昔元勳有如臣浚在
思陵已登亞相更孝廟復于舊班式同今日之中興罔俾前
脩之專美況同列崇臯陶之邇而初政俟公旦之來庸再秉

國鈞仍惠于長樞密優督府瑯戈之錫峻文階黃轍之除申
拓賦畝式隆寵數于戲春秋以歸季子為喜朕方徇于私情
晉人為見夷吾何憂爾其扶于興運尚堅忠孝大布公忱迄
圖社稷之安茂紀山河之續其祇予命永弼于彝

獎諭文天祥詔

眉山志

陸秀夫

勅天祥才非盤錯不足以別利器時非板蕩不足以識忱臣
昔聞斯言乃見今日卿早以魁彥受知穆陵歷事四朝始終
一節虜氛正惡鞠旅勤王皇路已傾捐軀殉國脫危機于虎
口涉遠道于鯨波去桀就湯可觀伊尹之任歸周避紂咸喜
伯夷之來方先皇側席以需賢乃累疏請身而督戰精神鼓
動意氣慨慷以匈奴未滅為心棄家弗顧當王事靡盬之日

文文山傳信錄

卷一

詔

五杏蔭堂

將母存行忠孝兩全神明對越雖成敗利鈍非能逆觀而險
阻艱難亦既備嘗如精鋼之金百鍊而彌勁如朝宗之水萬
折而必東尚遲赤烏之歸已抱烏號之痛朕勉當繼紹未有
知恩政茲圖任舊人克戡多難候來候吏疊覽封章歸然靈
光之固存此殆造物者所陰相胡然引咎益見勞謙至如諗
問之勤備悉忱惻之至朕今吉日既戒六月于征倚卿愛君
憂國之忠成我刷恥除兇之志緬懷耆俊深切歎嘉

文文山傳信錄卷一終

文文山傳信錄卷二

吳興許浩基殺人編輯

史傳論贊

文天祥傳論

宋史

自古志士欲信大義于天下者不以成敗利鈍動其心君子
命之曰仁以其合天理之正即人心之安爾商之衰周有代
德孟津之師不期而會者八百國伯夷叔齊以兩男子欲扣
馬而止之三尺童子知其不可他日孔子賢之則曰求仁而
得仁宋至德祐亡矣文天祥往來兵閒初欲以口舌存之事
既無成奉兩孱王崎嶇嶺海以圖興復兵敗身執我世祖皇
帝以天地有容之量既壯其節又惜其才留之數年如虎兇
在押百計馴之終不可得觀其從容伏質就死如歸是其所
欲有甚于生者可不謂之仁哉宋三百餘年取士之科莫盛
于進士進士莫盛于倫魁自天祥死世之好為高論者謂科
目不足以得偉人豈其然乎

文丞相傳贊

申齋集

劉岳申

文丞相以廬陵年少穆陵親擢進士第一即上書乞斬董宋
臣者至再宋垂亡猶乞斬呂師孟覺鼓此豈希合苟生者賈
似道沮之留夢炎嫉之宜也陳宜中張世傑亦忌之何也黃
萬石嫉之何也李庭芝疑之至欲殺之又何也或謂使庭芝
不疑夏貴可合事未可知豈所謂天之所廢不可興者耶方
其脫京口走真揚脫真揚走三山出萬死與潮陽仰藥不死

卷二

史傳論贊

二杏蔭堂

南安絕粒不死燕獄不死何異若將以有爲者及得死所卒以光明俊偉暴之天下後世殆天以丞相報宋三百年待士之厚且以昌世教也而或者咎其疏闊議其無成謬矣夫非諸葛公所謂鞠躬盡瘁死而後已者乎死之日宋亡七年匡山亡又五年矣

文丞相傳序 至正集

許有壬

宋養士三百年得人之盛軼唐漢而過之遠矣盛時忠賢雜選人有餘力及天命已去人心已離有挺然獨出于百萬億生民之上而欲舉其已墜續其已絕使一時天下之人後乎百世之下洞知君臣大義之不可廢人心天理之未嘗泯其有功于名教爲何如哉丞相文公少年趨厲有經濟之志中

文文山傳信錄

卷二 史傳論贊

二杏 蔭堂

爲賈祖徇翔外僚其以兵入援也大事去矣其付以鈞軸也降表具矣其往而議和也冀萬一有濟耳平生定力萬變不渝父母有疾雖不可爲無不用藥之理公之語公之心也是以當死不死可爲即爲逸于淮振于海真不可爲矣則惟死爾可死矣而又不死非有他也等一死爾昔則在已今則在天一旦就義視死如歸焉光明俊偉俯視一世顧慮敏衷將之士不知爲何如也推此志也雖與嵩華爭高可也宋之亡守節不屈者有之而未有有爲若公者事固不可以成敗論也然則收宋三百年養士之功者公一人耳孫富爲湖廣省檢校官始出遼陽儒學副提舉廬陵劉岳申所爲傳將刻之梓俾有王序之有壬早讀指南錄吟嘯集見公自述甚明三

十年前遊京師故老能言公者尙多而訝其傳之未見于世也伏讀慷慨惜京師故老之不見及也公之事業在天地閒炳如日星自不容泯而史之取信世之取法則有待于是焉若富也可謂能後者也元統改元十二月朔參議中書省相臺許有壬序

書文丞相傳後

胡廣

廣集廬陵先賢傳恒病宋史文丞相傳簡略失實蓋後來史臣爲當時忌諱多所刪削又事閒有低悟鄉先生前遼陽儒學副提舉劉岳申爲丞相傳比國史爲詳大要其去丞相未遠鄉邦遺老猶有存者得于見聞爲多又必參諸丞相年譜及指南錄諸編故事蹟覈實可徵故元元統初丞相之孫富

文文山傳信錄

卷二 史傳論贊

三杏 蔭堂

既以刻梓後復刊見岳申文集近年樂平文學郡人夏伯時亦以錄版于是岳申所撰丞相傳盛行于天下而史傳人蓋少見廣竊觀二傳詳略不同不能無憾因參互考訂合而爲一中主岳申之說爲多并取證于丞相文集及其繁復正其訛舛庶幾全備使人無惑論贊則並錄之國史之論揆諸人事而言岳申之贊本乎天運而言各有發揚不可偏廢亦以見夫取舍之公也于乎丞相之大忠大節獨立萬古直與日月爭光天地悠久比之夷齊心則不殊而所爲反有難者昌黎韓子所謂特立獨行窮天地亘萬古而不顧者也丞相之云豈異于是噫丞相不可尙矣其相從興義之士或出自小官或奮跡庶民雖當摧沮敗衄之餘皆甘心就死不肯屈辱